



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 33. Vitellotii Vitellii Cardinalis obitus.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

sem Episcopatum in Mediolanensi Du-
 eatu obtinuit in præmium suæ pietatis,
 ac scientiæ, qua in Concilio Tridentino
 elucebat: ut vero ejus erga Religionem,
 sedemque Apostolicam studium mer-
 cede haud careret, ab eodem Papa Car-
 dinalium numero accensebatur unacum
 titulo sancti Nicolai inter Imagines, post-
 quam Pius IV. Anno salutis millesimo
 quingentesimo sexagesimo quinto jam
 quarta vice Cardinales creaverat. In-
 terfuit Abundius comitiis, in quibus
 Pius V. eligebatur Pontifex, demum
 vero die decima quarta Novembris hoc
 anno Romæ mortalitatem exiit, non-
 nisi quadraginta quinque annos natus,
 sepultusque est in Ecclesia sanctæ Ma-
 riæ de Populo, ubi ejus hæres mar-
 moreum monumentum unacum sepul-
 crali inscriptione erigi curavit. De ce-
 tero hic idem Cardinalis Papiæ Col-
 legii Castillionæi olim a Branda ejus-
 dem familiæ Purpurato instituti mores
 reparavit, & Collegium propriis sum-
 ptibus restauravit, nec minus Cæle-
 stino IV. Papæ sepulcrum erigere in-
 choaverat, quod tamen morte præven-
 tus perficere haud valuit.

§. XXXIII.

Vitellotii Vitellii Cardinalis obitus.

Ex

Sæcul. XVI.
 A.C. 1568.

Sæcul. XVI.
A. C. 1568.

Ciacon.
pag. 863.

Ex Cardinalibus hoc anno decedentibus sextus erat Vitellotius Vitellius Nobilis Tiphernas in Umbria natus, & Filius Alexandri in univërfa Europa Belliducis celeberrimi, qui tribus summis Pontificibus Clementi VII. Paulo III. & Julio III. præclara admodum obsequia præstitit. Porro Vitellius quatuordecim annorum juvenis Patavium missus, ut se virtutum, scientiarumque ornamentis expoliret, spatio sex annorum humanarum literarum, & legalis Sapientiæ toga meruit condecorari: cum vero Romam postea venisset, & nominis sui famam effundere coepisset, a Julio III. Cameræ Apostolicæ Clericus, & mox in patria sua Episcopus, cum viginti octo ætatis suæ annos numeraret, electus est.

Postea a Paulo IV., cui tanti Viri merita probe erant perspecta, Anno Domini millesimo quingentesimo quinquagesimo septimo Diaconus Cardinalis titulo sanctorum Sergii, & Bacchi nominatus, atque officiorum, quæ viginti aureorum millibus vendi potuissent, dono cumulatus est: quinimo Vitellius Cardinalis apud eundem Papam tanta pollebat gratia, ut in difficilioribus negotiis nihil Paulus publice, vel privatim ageret, quin prius hujus Cardinalis consilium expetiisset. Præfici-
batur

Sæcul. XVI.
A. C. 1568.

batur etiam maximi momenti negotiis, ac præprimis Campaniæ, & oræ Maritimæ de latere Legatus declarabatur, annumerabaturque illis Cardinalibus, qui pro interpretatione Concilii Tridentini fuere deputati: insuper præfuit Signaturæ gratiæ, Romæque Francisci Regni negotia procuravit, ubi interfuit quoque conclavi, in quo Pius IV. & Pius V. Pontifices fuerunt renuntiati, sub cuius postremi Pontificatu feria sexta die decima nona Novembris anno ætatis suæ trigesimo septimo naturæ debitum solvit, atque in Ecclesia sanctæ Mariæ in via lata e regione Altaris sancto Cyriaco, & Divæ Catharinæ sacrati sine ulla sepulcrali inscriptione Corpus ejus humatum fuit. Ceterum Literatos summopere coluit, percarus Cardinali Borromæo, quem etiam in omnibus suis legationibus comitabatur.

§. XXXIV.

Joannis Bernardini Scotti fata.

Denique septimus erat Joannes Bernardinus Scotus natione Italus, Ciacon. pag. 846. vitæ integritate, atque eruditionis præstantia celeberrimus, necnon ex genere per plusquam quadringentos annos nobilitate claro genitus, qui aliquamdiu in Aula Romana Consistorialis Advocatus,